

Oleh Elder Carl B. Cook

Dari Tujuh Puluh

Pada akhir hari yang sungguh memenangkan pada hujung minggu pertama saya sebagai Penguasa Umum, beg bimbit saya menyarat dan minda saya terleka dengan soalan, “Bagaimana mungkin saya dapat melakukan ini?” Saya tinggalkan pejabat Tujuh Puluh dan masuk lif Bangunan Pentadbiran Gereja. Ketika lif menurun, saya bertunduk and memandang lantai tanpa air muka.

Pintu lif buka dan seseorang masuk, tapi saya tidak tengok. Ketika pintu menutup, saya mendengar seseorang itu bertanya, “Apa yang kamu tengok di bawah sana?” Saya mengenali suara itu --- iaitu Presiden Monson. Saya cepat memandangnya dan menjawab, “Oh, tiada apa-apa.” (Pastinya jawaban bijak itu menginspirasi keyakinan dalam kebolehan saya!) Tapi dia telah melihat wajah saya yang sugul dan beg bimbit saya yang berat. Dia bersenyum dan mengatakan dengan kasih, “Adalah lebih baik memandang ke atas!” Ketika kami turun satu tingkat lagi, dia berkata dengan ceria bahawa dia dalam perjalanan ke bait suci. Apabila dia berkata selamat tinggal, wajahnya mengatakan kepada hati saya lagi, “Ingatlah, adalah lebih baik memandang ke atas.”

Ketika kami berpisah, saya diingatkan kata-kata satu ayat suci: “Percayalah kepada Tuhan; percayalah bahawa Dia ada...; percayalah bahawa Dia mempunyai segala kebijaksanaan, dan segala kekuatan, baik di syurga mahupun di bumi”. Semasa saya memikirkan kuasa Bapa di Syurga dan Yesus Kristus, hati saya mendapat ketenangan yang telah saya cari dengan sia-sia dari lantai lif yang menurun itu.

Sejak masa itu saya telah merenungkan pengalaman ini dan peranan para nabi. Saya dibebani dan saya bertunduk. Bila nabi bercakap dan saya memandangnya, dia mengarahkan fokus saya untuk memandang Tuhan, di mana saya dapat disembuhkan dan dikukuhkan melalui Korban Tebusan Kristus. Itulah yang para nabi lakukan untuk kita. Mereka memimpin kita ke Tuhan.

Saya bersaksi bahawa Presiden Monson adalah bukan saja seorang nabi, pelihat, dan pewahyu; dia juga merupakan teladan yang sungguh baik menjalani prinsip memandang ke atas. Dia dapat rasa dibebani oleh tanggungjawabnya. Tapi, dia menjalani iman yang berkuasa dan dipenuhi dengan sikap optimistik, kebijaksanaan, dan kasih untuk orang lain. Sikapnya merupakan sikap “dapat melakukan” dan sikap “akan melakukan.” Dia percayai Tuhan dan berharap padaNya untuk kekuatan, dan Tuhan memberkatinya.

Pengalaman telah mengajar saya bahawa jika kita beriman memandang ke Tuhan untuk pertolongan, seperti Presiden Monson kita tidak akan tenggelam dalam beban-beban kehidupan. Kita tidak akan berasa tidak berkebolehan melakukan apa yang kita dipanggil melakukan atau perlu melakukan. Kita akan diperkukuh, dan kehidupan kita akan dipenuhi dengan ketenangan dan kebahagiaan. Kita akan menyedari bahawa kebanyakan kerisauan kita tidak ada kepentingan abadi --- dan kalau ada kepentingan abadi, Tuhan akan menolong kita. Tapi kita harus beriman memandang ke atas dan mempunyai keberanian mengikuti arahanNya.

Mengapa memandang ke atas merupakan cabaran dalam kehidupan kita? Mungkin kita tidak mempunyai iman bahawa tindakan yang begitu mudah dapat menyelesaikan masalah-masalah kita. Contohnya, bila orang Israel dipatuk ular yang berbisa, Musa disuruh supaya mengangkat ular loyang ke atas tongkat. Ular loyang itu melambangkan Kristus. Orang yang melihat ke ular, seperti yang digesa oleh nabi, telah disembuhkan. Tapi banyak orang yang lain tidak melihat ke atas, dan mereka meninggal.

Alma menyetujui bahawa sebab orang Israel tidak melihat ke ular adalah kerana mereka tidak percaya tindakan itu dapat menyembuhkan mereka. Kata-kata Alma berkaitan dengan kita kini:

“Hai saudara-saudaraku, jika kamu dapat disembuhkan hanya dengan mengarahkan pandangan matamu ke sekeliling supaya dapat disembuhkan, tidak mahukah kamu melihat dengan cepat atukah kamu lebih suka mengeraskan hatimu dalam ketidakpercayaan dan menjadi malas...?”

“Jika demikian, celaka akan menimpamu; tetapi, jika tidak demikian, maka arahkan pandangan matamu ke sekeliling dan mulailah percaya kepada Putera Tuhan, bahawa Dia akan datang untuk menebus umatNya dan bahawa Dia akan menderita dan mati untuk menebus dosa-dosa [kita]; dan bahawa Dia akan bangkit lagi dari antara orang mati.”

Penggalakan Presiden Monson untuk memandang ke atas merupakan metafora untuk mengingati Kristus. Bila kita mengingatiNya dan percayai kuasaNya, kita mendapat kekuatan melalui Korban TebusanNya. Ini adalah cara dengan mana kita dapat dilegakan dari kebimbangan kita, beban kita, dan penderitaan kita. Ini adalah cara dengan mana kita dapat diampuni dan disembuhkan dari kepedihan dosa-dosa kita. Ini adalah cara dengan mana kita boleh mendapat iman dan kekuatan untuk menanggung segala hal.

Kebelakangan ini Sister Cook dan saya menghadiri persidangan perempuan di Afrika Selatan. Selepas kami mendengar beberapa pesanan yang menginspirasi tentang menggunakan Korban Tebusan dalam kehidupan kita, presiden Lembaga Pertolongan pancang menjemput semua orang pergi keluar. Setiap kami diberi satu belon. Dia

menjelaskan bahawa belon kami melambangkan apa-apa beban, cabaran, atau kesusahan yang menghalang kami dalam kehidupan kami. Pada pengiraan tiga, kami melepaskan belon-belon kami, atau “beban-beban” kami. Ketika kami melihat ke atas dan tengok beban-beban kami mengapung ke udara, “Ahhh” dapat didengar. Tindakan mudah itu melepaskan belon-belon kami memberi peringatan yang mengagumkan akan kebahagiaan besar yang datang dari memandang ke atas dan memikirkan Kristus.

Bukan seperti melepaskan belon, memandang ke atas secara rohani adalah pengalaman yang bukan sekali saja. Kita belajar dari doa sakramen bahawa kita patut sentiasa mengingat Dia dan mematuhi perintah-perintahNya, supaya RohNya dapat bersama kita setiap hari untuk membimbing kita.

Bila orang Israel marayau-rayau di belantara, Tuhan memimpin perjalanan mereka setiap hari ketika mereka memandang pada Dia untuk arahan. Dalam buku Keluaran kita membaca, “Tuhan berjalan di depan mereka, pada siang hari dalam tiang awan untuk menuntun mereka di jalan, dan pada waktu malam dalam tiang api untuk menerangi mereka.” BimbinganNya tetap, dan saya memberikan kamu kesaksian saya yang rendah hati bahawa Tuhan dapat melakukan yang sama untuk kita.

Jadi bagaimana Dia akan memimpin kita kini? Melalui para nabi, rasul, dan pemimpin imamat dan melalui perasaan yang datang kepada kita selepas kita menyatakan keinginan kita yang terdalam kepada Bapa Syurgawi dalam doa. Dia membimbing kita bila kita mengikuti perintah-perintahNya dan berusaha menjadi seperti Dia. Dan Dia membimbing kita melalui Roh Kudus.

Untuk dibimbing di perjalanan kehidupan dan mempunyai penemanan Roh Kudus yang tetap, kita mesti mempunyai “telinga yang mendengar” dan “mata yang melihat,” keduanya diarah ke atas. Kita mesti bertindak pada arahan yang kita terima. Kita mesti memandang ke atas dan bertindak. Dan ketika kita berbuat demikian, saya tahu kita akan berbahagia, kerana Tuhan ingin agar kita bahagia.

Kita adalah anak-anak Bapa di Syurga. Dia ingin menjadi sebahagian kehidupan kita, memberkati kita, dan menolong kita. Dia akan menyembuhkan luka kita, mengeringkan air mata kita, dan membantu kita dalam perjalanan kita untuk kembali ke hadiratNya. Ketika kita memandangNya, Dia akan memimpin kita.

*Tuhan adalah terangku; mengapa takut?*

*Siang dan malam, Dia selalu dekat*

*Dialah kebahagiaanku dan laguku*

*Siang dan malam, Dia pimpinku selalu*

Saya bersaksi bahawa dosa-dosa kita diampuni dan beban-beban kita diringankan ketika kita memandang Kristus. “Mari kita ingat Dia, ...dan jangan kita menundukkan kepala,” kerana, seperti yang Presiden Monson katakan, “adalah lebih baik memandang ke atas.”

Saya bersaksi bahawa Yesus adalah Penyelamat dan Penebus kita dalam nama Yesus Kristus, amin.